



Ranz Hawj Gou Raeujrub

家是温馨的港湾

环江思恩镇人和小学六年级 韦峯俊

Ranz dwg dieg dangjrumz, ranz dwg dieg raeujrub, ranz dwg daxboh daxmeh gyaез gou haenx.

Daxboh gou dwg boux geiqsingq mbouj ndei ndeu, de guhsaeh mbouj dwg lumz yienghneix couhdwg lumz yienghhaenx. Hoeng, danghnaeuz dwg gvendaengz gij saeh gou, de cungj mbouj lumz gvaq.

Miz baez ndeu, daxboh bae yienhsingz okcai, gou siengj cawx bonj saw 《Sijcoz Cijnanz》 ndeu, couh doiq daxboh naeuz: “Daxboh, mwngz bang

gou cawx bonj saw 《Sijcoz Cijnanz》 ma, ndaej lwi?” Daxboh ngaekngaek gyaеuj naeuz: “Ndei.” Ngoenz daih-ngeih, daxboh ma daengz ranz, gou sikhaek buet daengz baihnaj daxboh, cam daxboh aeu saw. Daxboh nyauj-nyauj gyaеuj, naeuz lumz lo. Raen daxboh cungj yienghceij neix, gou saetmuengh lo, gawq vah ndeu mbouj gangj couh buet haeuj ndaw rug gou bae. Daxboh rox gou fatheiq lo, lienzmuegъz byaij daengz bak rug gou, roq dou naeuz: Yingzcun, hai dou vei, daxboh caeuq mwngz gangjriu cungj mbouj ndaej la?” Gou han naeuz: “Lumz couh lumz lo, lij miz naj naeuz gangjriu.” Daxmeh dingqnyi le, naeuz: “Yingzcun, daxboh caen dwg caeuq

mwngz gangjriu bw, mbouj saenq ha, mwngz hai dou okdaeuj yawjyawj.” Dingq daxmeh yienghneix gangj, gou yaek saenq mbouj saenq hai dou lo. Cijraen daxboh ndaw fwngz gaem bonj saw moq ndeu, byaij haeuj ndaw rug daeuj, doiq gou naeuz: “Gij saeh lwg gou gou baenzlawz lumz ndaej ne. Hawj, neix couhdwg bonj saw mwngz siengj cawx haenx, mwngz ndeindei yawj ba.” Gou song fwngz ciep aeu bonj saw, caen dwg bonj saw gou siengj cawx haenx. Gou angq dwg raemxda conh okdaeuj lo.

Caiq gangj, daxmeh gou dwg bouxvunz gyaез yawj densigi ndeu, hoeng, vihliux mbouj nguh gou hagsib, daxmeh cijndaej mbouj yawj densigi

lo. Moix baez gwn caeuz le, daxmeh couh aeu diepcih daeuj lienh sij cih. Yienznaeuz sij ndaej mbouj ndei yawj, danhseih de ngoenzngoenz cungj genhciz lienh. Daxmeh gij cingsaenz neix hawj gou gig gamjdoengh. Miz seiz gou yawj saw baeg lo, daxmeh couh soengq boi cijvaiz raeujrub ndeu hawj gou, moix baez gou danqheiq seiz, de couh lumhlumh gyaеuj gou, got gou youq najaek de, caeuq gou gangj goj, gujli gou gaenx hagsib……

Ndaw ranz bohme hawj gou gamjdaengz gig raeujrub, gou gyaез daxboh daxmeh gou, gou gyaез ranz gou.

(指导老师:陆春梅)



Ranzyouq Daengzcog

未来的房子

贵港市覃塘区蒙公乡高占小学四(2)班 黄欣茹

Riengzdwk gohyoz gisuz fazcanj, ranzyouq daengzcog itdingh hawj mwngz haenx mbouj dingz.

Mwngz ok rog dauqma, byaij daengz bakdou, gwnz dou cang miz aen “sujluzfwngz”, dawz luzfwngz mwngz cuengq gwnz sujluzfwngz bae, dou couh gag hai lo, danghnaeuz dwg vunzseng, dou couh mbouj hai, lij sikhaek bauqgingj dem. Yamq haeuj ndaw ranz, yinhyoz ndeidingq couh yiengj hwnjdaeuj, hawj mwngz guhhong ngoenz ndeu aenndang naetnaiq sawqmwh soeng roengzdaeuj. Naengh youq gwnz sahfaz, gwnz daiz baihnaj mwngz baij miz haujlai lwgmak caeuq dangzbingj, mwngz ndaej itmienh gwn doxgaiq, itmienh dingq yinhyoz, geijlai simsangj ha!

Mwngz yaek dajcaemx seiz, ndaw ranzdajcaemx caeux couh bang mwngz bwh ndei raemxndat、soujgaen、genj daengj. Dwg bouxlawz guh gij hong neix ne? Dangyienz dwg dennauj, dennauj gag rox mbwn nit cuengq raemxndat, mbwn ndat cuengq raemxliengz, ndaej hawj mwngz cwxcaih dajcaemx.

Dang mwngz hwnj congъz yaek ninz gaxgonq, miz aen “dennauj gwnzfwngz” cuengq youq naj congъz, mwngz ndaej youq gwnz dennauj yawj saw. Mwngz ninz roengz congъz seiz, dennauj couh gag cuengq yinhyoz haeujninъz, cigdaengъz mwngz ninzndaek bae, yinhyoz couh gag dingz roengzdaeuj, docueng rox gag suj ndei, ngoenz daihngeih gyanghaet mwngz hwnqcongъz seiz, aencueng gag rox hai.

Neix couhdwg aen ranzyouq daengzcog, sojmiz nwnъzyenz cungj dwg gauq daengngoenz caeuq ronghndwen ndaej daeuj. Mwngz gyaез cungj ranz neix lwi?

(指导老师:覃珍团)

Daxmeh, Gou Siengj Doiq Mwngz Gangj

妈妈，我想对你说

南宁市武鸣区太平镇庆乐小学二年级 黄姿颖

Daxmeh:

Mwngz ndei! Youq ndawsim gou, mwngz itcig dwg boux daxmeh ceiq hungmbwk、ceiq soh ndeu. Mwngz cungj dwg son gou aeu rox guhvunz. Daj gwnz ndang mwngz, gou yawj daengz le gijmaz dwg gyaеundeи, gijmaz dwg gaenx. Mwngz naeuz gou nyi “seizgan doiq bouxlawz cungj dwg goengbingz, de couh lumj aenlaeuh ityiengh, gig vaiq couh lae deuz lo, bouxlawz ndaej buet youq dangqnaj seizgan, bouxde doeklaeng couh ndaej hingz.”

Haujlai aen cin hah cou doeng doxvuenh, haujlai aen hwnzngoenz doxlnwz, youq haujlai bae saetmuengh caeuq vuenheij, youq diuzloh bae saedyienh gij lijsiengj gou, miz seiz gou siengj dingz roengzdaeuj, caemh siengj lai hgik, dwg mwngz son gou aeu genhciz, lumj raemxrij mbouj dingz lae, lae haeuj daihhaij bae. Dwg mwngz sawj gou vut gij gik bae, heuh gij gaenx daeuj.

Daxmeh, yienznaeuz mwngz mbouj dwg bouxvunz gyaеuget, hoeng youq ndawsim gou mwngz cix dwg boux vunz ceiq gyaеu ndeu. Gij cangndang seuqset mwngz, aensim unqsoh mwngz, gij singgwz giengiengz mwngz ciengx-lwenx cungj dwg gij funghgingj ceiq gyaеu-

ndei. Dang bouxwnq miz saeh seiz, mwngz cungj dwg bae bang de; dang bonjfaenh miz saeh roxnaeuz bingh seiz, mwngz cungj dwg gag cengqgengz, mbouj bae mazfanz bouxwnq gvaq. Aeu gij vah mwngz daeuj gangj, couhdwg ningznyiенh bonjfaenh haemz hix aeu bouxwnq vuenyungz.

Daxmeh, mwngz dwg daxmeh hungmbwk ndeu. Daxmeh, gou gyaез mwngz, muengh mwngz ngoenzngoenz haisim !

Dahlwg mwngz: Swhyingj
2015 nienъz 6 nyied 15 hauh
(指导老师:韦春明)



Suenmak Seizcou

秋天的果园

环江思恩镇人和小学二年级 黄洪洋



Seizcou dwg geiqciet fungsou. Gij mak ndaw suen cug lo, ndaw hoengheiq cungj dwg heiq hom lwgmak. Byaij haeuj ndaw suenmak bae, ndaw suenmak cungj dwg gij gingjsiengq fungsou. Mwngz yawj, gwnz gobingzgoj, venj rim makbingzgoj hoengzgywggywg, lumj aennaj lwgnyez dwggyaez nei; makit ndongqliklik, lumj naedcaw saekaeuj baenz roix baenz roix duengh roengzdaeuj; gwnz go' ndae, makndae lumj daengloengz venj gwnz faex nei hoengzfwgfwg; gwnz goleiz, makleiz henjrwgrwg…… Gyoengqde cungj ceng dwk dawz saekcaij seizcou yienh okdaeuj.

Gou gyaез seizcou, gij suenmak seizcou caen gyaеundeи ha!

(指导老师:覃玉往)